

ԽԱՂԱՔԱՆԵՐ

ՏԵՂԵԿԱՏՎԱԿԱՆ ՓԱԹԵԹ

ՈԱԶՄԱՎԱՐԱԿԱՆ ՄԾԱԿՈՒՄՆԵՐԻ ԿԵՆՏՐՈՆ

ԵՐԵՎԱՆ 2006

**Տվյալ տեղեկատվական փաթեթի նպատակն է
հայ հասարակայնությանը ներկայացնել
միջազգային խաղաղապահ գործունեության
քիչ հայտնի որոշ տեղեկություններ:**

ՆԱԽԱԲԱՆ

Հայության ամենահիմնական խնդիրը եղել ու մնում է ֆիզիկական անվտանգության խնդիրը: Անիի անկումից ի վեր այս հարցը լուծում չի գտել մինչև 20-րդ դարը: Խորհրդային համակարգում կարճատև ու ճանակահարուստ լուծում գտնելով, անկախություն ստանալուց հետո այն նորից դարձավ առաջնահերթ:

Քաղաքակիրթ աշխարհի աչքի առաջ ցեղասպանվելուց հետո, ցեղասպանության կրկնությունը խորհրդային Ադրբեջանում տեսնելուց հետո, հայությունը եկավ այն եզրակացության, որ ազգային անվտանգության հարցը պետք է լուծի, և կարող է լուծել միայն հայը: Այս պարզ ու ծշմարիտ գաղափարին հասնելուն անս, առաջին հարթանակն իրեն սպասեցնել չտվեց: Հարմար բնական սահմաններ ունեցող 42.000 կմ² մակերեսով տարածքում քիչ թե շատ հաջողությամբ լուծվեց հայ ազգի ֆիզիկական անվտանգության ապահովման խնդիրը:

Թվում էր, թե այսքանից հետո «հային կարող է պաշտպանել միայն հայը» թեզը պետք է ամրագրվեր որպես պետական անվտանգության հայեցակարգի հիմնադրույթ և բոլոր հետագա որոշումները պետք է հենվեին այս պարզագույն աքսիոնի վրա:

Ցավոք, դա տեղի չունեցավ, և այսօր, որոշ քաղաքական ուժեր, ինչ-ինչ արտաքին ու ներքին ազդեցությունների տակ կասկածի տակ են դնում այս աքսիոնը, առաջարկում ազգի անվտանգության ապահովման խնդրի լուծումը թողնել միջազգային խաղաղապահ ուժերին: Բայց արդյո՞ք հայտնի է տարածաշրջան երրորդ ուժ մտցնելու կողմնակիցներին, թե ինչ է այսօր իրենից ներկայացնում միջազգային խաղաղապահ համակարգը, ինչքանով են կարողացել լուծել իրենց առաջ դրված խնդիրները միջազգային մանդատներով գործող խաղապահ զորամիավորումները աշխարհի տարբեր մասերում:

Ուսումնասիրելով խաղաղապահության նորագույն պատմության բազմաթիվ դրվագներ, սույն փաստաթղթի հեղինակները չգտան և ոչ մի դեպք, երբ միջազգային մանդատով խաղաղապահները լուրջ դիմադրություն ցույց տված լինեն այն զինված խմբավորումներին, որոնցից պարտավոր էին պաշտպանել խաղաղ բնակչությանը: Անգամ ՄԱԿ-ի հաշվետու գեկույցներում ընդունվում է այդ փաստը: Այդպիսի գեկույցներից (2001 թ.) մեկի հեղինակ, ալժիրից Լախդար Բրահիմին խոստովանում է, որ ՄԱԿ-ի խաղաղարար գործողությունների անհաջողությունները կրում են շարունակական և համակարգային բնույթ [4]: Չկա որևէ նախանշան, որ ապագայում այս իրավիճակը կփոխվի:

1. ԽԱՂԱՐԱՎԱՐՆԵՐԻ ՈՒ ՏԵՂԱԿԱՆ ԶԻՆՎԱԾ ԽՄԲՎԿՈՐՈՒՄՆԵՐԻ ՄԻՋԵՎ ՀԱՐԱԲԵՐՈՒԹՅՈՒՆՆԵՐԸ

1.1. ՑԵղասպանություն Ռուանդայում (ապրիլ – հունիս, 1994 թ.)

1990-1993 թթ. Ռուանդայում ընթանում էին քաղաքացիական բախումներ երկու ժողովուրդների միջև՝ հութունների (կառավարական) և բուրսինների (ապատամբ) ուժերի միջև: 1993 թվականի վերջում կնքվեց հրադադար և դեկտեմբերին Ռուանդա մտավ ՍԱԿ-ի խաղաղապահ զորախումբը: Նպատակ էր դրվել երկու տարրում երկիրը ժողովուրդավարացնել և անցկացնել ընտրություններ համատեղ կառավարություն ձևավորելու համար: Չնայած այդ պայմանագրին, երկրում մեծամասնություն կազմող հութունները շարունակում էին ատելություն քարոզել բուրսինների հանդեպ, նաև զենք ու զինամթերք կուտակել: Դատկանշական է, որ հութունները գենք էին ձեռք բերում ՍԱՅ-ի (Միջազգային Արժույթային Հիմնադրամի) կողմից տրված վարկերի շնորհիվ, որոնք իբր թե ուղղված էին նպաստելու խաղաղության ամրապնդմանը [2]:

1994 թ. սկզբին իրավիճակը երկրում կտրուկ սրվեց: Ռուանդայի ցեղասպանությանը վերաբերող գեկույցներից մեկում (հեղինակը Լինդա Մելվերն, 2001 թ. [4]) հայտնվում է այն մասին, որ կանադացի գեներալ Ռոմեո Դալլերը, որը դեկավարում էր ՍԱԿ-ի զորախումբը, կանխազգալով մոտավոր բախումները, իր վերադասներից խնդրեց ավելացնել ՍԱԿ-ի զորախումբի քանակը: Միացյալ Նահանգները և Մեծ Բրիտանիան ՍԱԿ-ի Ախում նշեցին, որ այս առաքելությունը փոքրածավալ է և հնարավոր չեղարկել տարածաշրջան: 1994-ի հունվարի 11-ին Դալլերը ֆաքսով հաղորդագրություն ուղարկեց, որտեղ վերլուծելով քազմաթիվ փաստեր, նշում էր, որ նախապատրաստվում է ցեղասպանություն [4]: Բացի այդ, միջազգային մամուլում նույնպես հայտնվում էին տեղեկություններ այն մասին, որ Ռուանդայում իրավիճակը պայթյունավտանգ է: Չնայած այդ բոլորին, երբ ՍԱԿ-ում հերթական անգամ քննարկվեց Ռուանդայի հարցը, հնչեցին կարծիքներ, որ պետք է արագ վերջացնել ժողովուրդավարացնը և խաղաղապահներին դուրս բերել ու տեղափոխել ավելի իրատապ վայրեր, ինչպիսին, օրինակ, Դարավալավիան է:

1994-ի ապրիլին մի քանի բելգիացի խաղաղապահների սպանությունից հետո, ՍԱԿ-ի զորախումբները լիովին դադարեց վերահսկել իրավիճակը երկրում: Ցեղասպանության սկզբից վեց օր առաջ միջազգային բոլոր կառույցների ներկայացուցիչները շտապ լքեցին երկիրը, իսկ խաղարարների նյութատեխնիկական մատակարարումը ընդհատվեց: Խաղաղապահները նույնիսկ վառելիք չունեին: Խնդրիր ոչ այնքան երկրում տիրող իրավիճակն էր, այլ ֆինանսավորման սղությունը [4]: Խայտառակության զագաթնակետը դարձավ ապրիլի 21-ը, երբ արդեն երկու շաբաթ է, ինչ Ռուանդայում սկսվել էին լայնածավալ կոտորածները: Այդ օրը ՍԱԿ-ը որոշում կայացրեց հետ կանչել իր զորախումբի մեջ մասին [4]: Յաջորդ իսկ օրը, երբ խաղաղապահները դեռ երկրում ներկա էին, բայց արդեն իրավական մանդատ չունեին, Բուտուր քաղաքի հիվանդանոցներից մեկում կատարվեց սպանություն: Միջազգային ուժերի ու նաև «Բժիշկներ առանց սահմանների» կազմակերպության ներկայացուցիչների աչքի առաջ, տեղի ունեցավ 172 բուրսինների կոտորած մի խումբ հութու զինվորների կողմից [4]: Մայրաքաղաքի կենտրոնական հանալսարաններից մեկում բուրսի ուսանողների զանգվածային գնդակահարություն տեղի ունեցավ, ընդ որում, խաղաղապահների կենտրոնակայանը գտնվում էր մոտակայքում [4]: Արյունքում հութունները 100 օրվա ընթացքում անխնա կերպով, հիմնականում սառը զենքով կոտորեցին 800.000 բուրսինների: Արյունահեղությունը դադարեց միայն այն ժամանակ, երբ հարեւան Զահրից (այժմյան Կոնգո) Ռուանդա մուտք գործեցին տեղի բուրսինների զինված ուժերը, որոնց աջակցում էին նաև Ռեգանդայի բուրսինները [2] ու պարտության մատնեցին ցեղասպանության կազմակերպիչներին ու նրանց զինված խմբերին:

Փաստորեն ցեղասպանությունը հնարավոր դարձավ միայն այն քանից հետո, երբ բուրսինները հավատացին միջազգային երաշխիքներին ու զենքերը վայր դրեցին, կարծելով, որ ՍԱԿ-ի զորքերը իրենց կպաշտպանեն:

1.2. Բոսնիա-Հերցեգովինա Սրբության հուշական օր (հուլիս, 1995 թ.)

Քսաներորդ դարի վերջում Եվրոպայում կատարված ռազմական հանցագործություններից թերևս ամենաշատ լուսաբանվածը Սրբության հուշական օր (Բոսնիա-Հերցեգովինա, Նախկին Յարավավավիա) մահմեղական տղամարդկանց զանգվածային գնդակահարումն է 1995 թ. հուլիսին: Յարավավավիա պետության տրոհումից հետո Բոսնիա-Հերցեգովինան հոչակեց իր անկախությունը: Բոսնիայում կողք կողքի բնակվում էին սերբեր, մահմեղականներ ու խորվաթներ: Անկախություն հոչակելուց հետո այդ երեք համայնքները սկսեցին պատերազմել մինյանց դեմ՝ ձգտելով վերահսկողություն հաստատել հնչքան հնարավոր է մեծ տարածքների վրա: Բոսնիայի Սրբության օր քաղաքը մինչ պատերազմը ունեցել է մահմեղա-սերբական խառը բնակչություն: Մահմեղականները էրնիկ գտում կատարելով, այն վերցրել էին իրենց լիակատար վերահսկողության տակ, բայց հայտնվել էին անկավային վիճակում: Այդ պատճառով Սրբության 1993 թվականին ՄԱԿ-ի ԱԽ-ի որոշմամբ հայտարարվեց «անվտանգության գոտի» ՄԱԿ-ի խաղաղապահ գործերի հովանու ներքո»: Այդ շրջան սկզբից մտցվեց կանադական զորախումբ, որին հետագայում փոխարինեց հոլանդական 500 հոգանոց զորախումբը [9]: 1995 թ. ամռանը այնտեղ հասան նաև ուկրաինական խաղաղապահներ: Չնայած խաղաղապահների ներկայությանը, մահմեղականները Սրբության օր քաղաքը դարձրեցին ռազմական հենակետ, որտեղից պարբերաբար հարձակումներ էին գործում շրջակա սերբական բնակավայրերի վրա: Ըստ սերբական տվյալների, [8] Սրբության գործում էին նաև Սերծավլոր Արևելքից եկած մոջահեղների խմբավորումներ: 1995 թ. ամռանը սերբական ուժերը որոշեցին գրավել քաղաքը: Ի դեպ, մահմեղականների հարձակումներից մեկի դրդապատճառ էր դարձել մահմեղականների դիրքերի ռմբահարումը խաղաղապահների կողմից, որը մահմեղականները սխալմամբ ընկալել են որպես սերբերի կողմից հարված [13]: Այսպիսով չի կարելի բացառել, որ խաղարարներն են դարձել սպանդը բորբոքող գործոն:

Հոլանդական խաղաղարար գումարտակը Թոմ Կարեմանսի գլխավորությամբ ներկա լինելով Սրբության անկումնը, այնուամենայնիվ, ոչ մի քայլ չձեռնարկեց՝ ոչ սերբական ուժերի առաջնադաշտումը, ոչ քաղաքի գրավումը, և ոչ էլ խաղաղ բնակիչների նկատմամբ հետագա հաշվեհարդարը կանխելու համար [9]: Յոլլանդացի կապիտան Յենրիկ Վան Ղեր Վաահը, որին պաշտոնամկ արեցին հետագայում, իր հարցազրույցներից մեկում նշել է, որ իրենց հրաման չեր տրված փրկել մահմեղական խաղաղ բնակչությանը [9]: Յանարվում է, որ Սրբության գործում էր նաև բոսնիական սերբերը առանձնացրել են 8000 մահմեղական տղամարդկանց, տարել նրանց քաղաքից դուրս և այնտեղ գնդակահարել:

Այսպիսով ևս մի անգամ ակնհայտ է դառնում, որ միջազգային խաղաղապահների մուտքը մի տարածաշրջան, ուր դեռ չկա հիմնավոր խաղաղություն, շատ դեպքերում ոչ թե խաղաղեցնում, այլ ընդհակառակ՝ խթան է դառնում բազմապիսի սադրանքների ու զանգվածային սպանդների համար:

Հետագայում Նիդերլանդներում կատարվեց մեծ հետաքննություն, որի արդյունքում ճանաչվեց հոլանդական խաղաղապահների մասնակի մեղքը: Չնայած աղմկալի պաշտոնաթողություններին, տեղի չունեցավ խաղաղապահների կրավորական պահպանքի և ոչ մի դրական դատապարտում: Յրաժարական տվեց նաև Նիդերլանդների վարչապետ Վիմ Բոռը [9]:

2. ԽԱՂԱՐԱՊԱՐՆԵՐԻ ՀԱՐԱԲԵՐՈՒԹՅՈՒՆՆԵՐԸ ՏԵՂԻ ԲՆԱԿՉՈՒԹՅԱՆ ՀԵՏ

Երբ 1994 թվականին ՄԱԿ-ի խաղաղարարները դուրս եկան Սոմալիից, միջազգային մամուլը բավականին բուռն արձագանքեց այդ դեպքերին: Սոմալիական զինված խմբավորումները ընդհարվելով ամերիկյան զորքերի հետ, բավականին ծանր հոգեբանական հարված հասցրեցին վերջիններին: Սպանվեց 18 ամերիկացի զինվոր, որից հետո ամերիկյան կառավարությունը որոշեց դուրս բերել ամերիկյան զորքը Սոմալիից:

Այս իրադարձությունները բավականին հայտնի են, սակայն շատերին հայտնի չեն դրան նախորդած իրադարձությունները, որոնք հարկադրեցին սոմալեցիներին դիմել այդպիսի ծայրահեղ քայլերի [3]:



1995 թ. հունիսի 24-ին ամերիկյան «Village Voice» շաբաթթերթը հրատարակեց վերը պատկերված նկարը, ուր երկու բելգիացի խաղաղապահներ կրակի վրա տաճում են մի անչափահաս սոմալեցու: Այս սահմանկեցուցիչ նկարի ի հայտ գալուց հետո հայտնվեց նաև բազմաթիվ այլ նկարներ ու վկայություններ, որոնցից ակնհայտ էր դառնում, որ, այսպես կոչված խաղաղապահների վարքը Սոմալիում եղել է ծայրահեղ անմարդկային: Հայտնի են դեպքեր, երբ խաղաղապահները ձերբակալվածներին պահել են կիզիչ արևի տակ դրված մետաղական բեռնարկերի մեջ, ուր վերջինները ջրազրկումից մահացել են: Նույն շաբաթթերթը իր նյոււ համարներում հրատարակեց լուսանկարներ, ուր սոմալեցիներին ծեծի էին ենթարկում, իսկ երեխաներին ստիպում են որդեր ու ճիճուներ կուլ տալ:

Ինչ վերաբերվում է վերը տպագրված լուսանկարում պատկերված զինվորներին, ապա հետաքանության արդյունքում եկան այն եզրակացության, որ դա «անվնաս մի խաղ» էր, որի նպատակն էր «պատժել» այդ սոմալեցի պատանուն գողություն կատարելու համար:

Հետագայում պարզվեց, որ նման դաժանություններ իրենց թույլ են տվել նաև կանադացի ու խոալացի զինվորականները: Խոալացի զինվորները Սոմալիում մեղադրվեցին բռնաբարությունների, կտտանքների, թմրադեղերի առատիք և նույնիսկ մի քանի սպանությունների մեջ: Խոալիայի կառավարությունը հատուկ հանձնաժողով ստեղծեց, որը զբաղվեց այդ գործերի քննությամբ: Արդյունքում պարզվեց, որ նման վարքագիծը կրել է

տարածված բնույթ և չի հանդիսացել առանձին տարրերի կողմից ծայրահեղության դրսևորում:

Կանադական զորախմբի հետ կապված նմանատիպ դեպքեր գրանցվել են նաև Բոսնիայում: «New York Times» թերթը 1995 թ. հունվարի 18-ի համարում հաղորդել է, թե ինչպես Բակովիչի քաղաքի հոգեբուժարանը պաշտպանող զորախումբը այն վերածել էր ավազակառողջի, ուր խաղաղապահները գրավում էին հարթեցողությամբ, սեռական բնականոն հարաբերությունների մեջ էին մտնում բուժքույրների և թարգմանիչների հետ, նաև իիվանդներին էին ստորացնում:

«USA Today» թերթը 1996 թ. ապրիլի 12-ի համարում պատմեց այն մասին, թե ինչպես են Լիբերիայի նայրաքաղաքի հայտնի թալանի ժամանակ օգտագործվել ՍԱԿ-ի խաղաղապահների մեքենաները, ինչից խաղաղապահները փայտաժին են ստացել:

Մեկ այլ ամերիկյան թերթ՝ «Washington Times»-ը, իր նույն տարվա օգոստոսի 6-ի համարում նշում է, որ Բոսնիայում գտնվող ՍԱԿ-ի հորդանանցի բարձրաստիճան աշխատակիցները զբաղվել են մաքսանենգությամբ, օգտագործելով պաշտոնական մեքենաները: Փոխարենը բոսնիացիք նրանց տրամադրել են մարմնավաճառների ծառայություններ:

Վերջերս Եյ-Բի-Սի ամերիկյան հեռուստաընկերությունը հաղորդեց մանրամասնություններ 2004 թվականին Կոնգոյում խաղաղարարների վարք ու բարքի մասին: Անչափահաս աղջիկների բռնաբարման ու նրանց հանդեպ սեռական ոտնձգությունների բազմաթիվ դեպքեր էին արձանագրվել: ՍԱԿ-ի բարձրաստիճան մի պաշտոնյա՝ ազգությամբ ֆրանսիացի Դիդիե Բուրգեն, անչափահասների հետ սեռական հարաբերությունների լուսանկարներ ու տեսանյութեր էր ստեղծում, որոնք տեղադրվում էին պեդոֆիլների հնտերնետ կայքերում: Մի հարավաֆրիկացի սպա պարտադրել էր իր երիտասարդ թարգմանիչներին սեռական հարաբերությունների մեջ մտնել իր հետ, նաև արձանագրվել են հարյուրավոր երեխանների ծննդաբերություններ տեղացի անչափահաս աղջիկների կողմից: Այդ նորածինների «հայրերը» օտարերկոյա խաղաղարարներն են, իսկ մայրերը՝ այն աղջիկները, որոնք ստիպված էին ապահովել իրենց գոյությունը, զբաղվելով մարմնավաճառությամբ: Նորածինների մեջ մասը լրվել են իրենց անչափահաս մայրերի կողմից ու դարձել ծնողագուրկ: Եյ-Բի-Սի լրագրողները հաղորդել են բազմաթիվ խայտառակ այլ մանրամասնություններ, օրինակ, այն մասին, որ խաղաղապահները նախընտրում են մանկահասակ աղջիկների, քանի որ վախեցել են վարակվել ՄԻԱՎ/ԶԻԱՎ-ով: ՍԱԿ-ի քաղաքացիական աշխատակիցները երեկոները անցկացրել են գիշերային ակումբներում, չնայած դա իրենց խստիվ արգելված է ըստ կանոնակարգի: Սակայն նրանց արարքները չեն պատվել տեղական օրենքներով, որովհետև նրանք ունեն իրավական անձեռնմխելիություն [14]:

Կոնգոյում խաղաղապահների պահվածքի մասին հավելյալ նյութեր են ներկայացվում նաև 4.2 ենթագլխում:

3. ԽԱՂԱՂԱՊԱՐՆԵՐՆ ՈՒ ՄՇԱԿՈՒԹԱՅՑԻՆ ԱՐԺԵՔՆԵՐԻ ՊԱՐՊԱՆՈՒԹՅՈՒՆԸ

3.1 Կոսովո (1999 – 2005 թթ.)

Ազգամիջյան բախումների ժամանակ պատմամշակութային արժեքները հաճախ թիրախ են դառնում հակամարտող կողմերի համար, քանի որ ընկալվում են որպես հակամարտության այս կամ այն կողմի արդար պայքարի խորհրդանշ:

Խաղաղապահները, որոնք պարտավոր են խաղաղություն ապահովելու, պետք է պաշտպանեն այդպիսի հուշարձանները: Ցավոք, փորձը ցույց է տալիս, որ դա չի կատարվում, և ընդհակառակը՝ մշակութային արժեքների ոչնչացումն էլ ավելի է սաստկանում, եթե ակտիվ պատերազմական գործողություններ վարելը դժվարանում է:

Ստորև բերված երկու լուսանկարներում պատկերված են Կոսովոյում 2004 թ. մարտին ավերված սերբական եկեղեցիներ:



Սերբիայի Ուղղափառ Եկեղեցու կայքում կան բազմաթիվ տվյալներ Կոսովոյում սերբական եկեղեցիների վիճակի մասին. <http://www.spc.org.yu/Vesti-2004/pogrom.html>

Կոսովոն պատմականորեն եղել է սերբերի հոգևոր կենտրոնը: 10-13-րդ դարերում Կոսովոյում կառուցվել են ուղղափառ-քրիստոնեական հարյուրավոր եկեղեցիներ ու վանքեր: 2004 թ. մարտին Կոսովոյում ալբանացիները սկսեցին հակասերբական ջարդեր: 3000 սերբեր փախստական դարձան, 30 մարդ սպանվեց, վիրավորվեց 500 հոգի, որոնցից 35-ը՝ խաղաղապահներ: Մի քանի օրում ավերվեցին 35 եկեղեցիներ: Ըստ սերբական ուղղափառ եկեղեցու տվյալների, 1999 – 2004 թթ. ընթացքում Կոսովոյում քանդվել կամ հրկիզվել է մոտ 200 եկեղեցի և վանք: Անհերեր է, բայց փաստ է. Կոսովոյում վերջին 5 տարում քանդվեց ու ավերվեց ավելի շատ քրիստոնեական հուշարձաններ, քան օսմանյան տիրապետության մի քանի դարերի ընթացքում [10]:

Որպեսզի տպավորություն չառաջանա, որ բերվում են միայն սերբական կողմի տվյալները, մերժենք «Human Rights Watch» միջազգային կազմակերպության Արևելյան Եվրոպայի ու Կենտրոնական Ասիայի բաժնի ղեկավար Ռեյչել Դենբերի հայտարարությունը. «ՄԱԿ-ի և ՆԱՏՕ-ի համար Կոսովոն դարձավ ամենալուրջ քննությունը 1999 թվականից հետո, եթե միջազգային հանրության աչքի առաջ փոքրամասնության ներկայացուցիչներին քշում էին իրենց բնակության վայրերից: Նրանք ձախողեցին այդ քննությունը: Նրանք նախընտրեցին նայել հրկիզվող սերբական տներին իրենց ռազմակայանների փակ դարպասների հետևից» [11]:

Փաստորեն խաղաղապահները չկատեցին մշակութային ջարդը, որի նպատակն էր ջնջել սերբական հետքը Կոսովոյից:

4. ԽԱՂԱՐԱՊԱՅ ՈՒԺԵՐԸ ԵՎ ՏԵՂԱԿԱՆ ԿԱԶՄԱԿԵՐՊՎԱԾ ՀԱՆՑԱԳՈՐԾ ԿԱՌՈՒՅՑՆԵՐԸ: ՏՐԱՖԻԿԻՆԳ, ԹՄՐԱԴԵՂԵՐԻ ԱՌԵՎՏՈՒՐ, ԿԱՎԱՏՈՒԹՅՈՒՆ, ՊԵՂՈՖԻԼԻԱ ԵՎ ԱՅԼՆ

Յայտնի է, որ այլազգի մեծաքանակ, թեկուզ և ոչ թշնամական զորքերի հայտնվելը միշտ իր հետ բերում է բազմաթիվ նոր սոցիալական երևոյթներ: Կամա թե ականա՝ այդ զինվորները դառնում են հանցագործ տարրերի ակտիվացման խթան: Նկատվում է կավատության, թմրադեղերի առուվաճառքի և այլ տիպի զանցանքների աճ:

4.1 Կոստվո (2000 – 2004 թթ.)

Ըստ Բի-Բի-Սի հաղորդագրության «Ամնեսթի Ինթերնեյշնլը» իր գեկույցներից մեկում նկարագրել է Կոստվոյում տիրող իրավիճակը [5]: 1999 թվականին, երբ այնտեղ հայտնվեց 40.000-անոց միջազգային զորախումբը այն հաստատությունների քանակը, որտեղ օգտագործվում էին թրաֆիքինգի զոհեր, աճեց 18-ից մինչև 200-ի: Այդ հաստատությունները վերահսկվում են հանցագործ խմբավորումների կողմից, նաև հայտնի են որոշ խաղաղապահների ներգրավածության դեպքեր այդ ծաղկող «բիզնեսի» մեջ: Աղջիկները, որոնք դարձել են սեռական առևտորի առարկա, ոչ միայն տեղաբնակներ են, այլև բերվում են Մոլովյայից, Ուկրաինայից, Բուլղարիայից: Աղջիկներին բերում են խարեռությամբ, ապագայում նորմալ աշխատանք խոստանալով, նաև բռնի ուժով, կամ էլ դիմադրությունը կոտրում են թմրադեղեր ներարկելով: Կան նաև 11-12 տարեկան մանկահասակ աղջիկներ, որոնք դարձել են սեռական ստրուկներ՝ մշտական ծեծի միջոցով ստիպվել են պոռնկությանը զրադել:

Ըստ «Ամնեսթի Ինթերնեյշնլի» գեկույցի, չնայած այն փաստին, որ խաղաղապահ զինվորներին արգելված է հաճախել գիշերային ակումբներ, միևնույն է, այդ հաստատությունների հիմնական հաճախորդները հենց խաղարար զինվորներն են:

Զեկույցում նաև խորհուրդ է տրվում ուժգնացնել այդ ամոթալի երևույթի դեմ պայքարը, որը մինչ այժմ կրել է ընդամենը խորհրդանշ ական բնույթ: Քանի որ K-for-ի խաղաղարարները և միջազգային աղմինխատրացիան ունեն իրավաբանական անձեռնմխելիություն, ապա նրանց հնարավոր չէ պատասխանատվության ենթարկել Կոստվոյում: Առավելգույնը կարող են նրանց հետ ուղարկել իրենց երկրներ, որտեղ էլ նրանց ոչ մեկը պատասխանատվության չի ենթարկի: 2003 թվականի վերջի դրությամբ մոտ 10 հոգի ենթարկվել է այդպիսի «տույժ»-ի, իսկ մոտ 22-27 խաղաղարար սպաներ կասկածվել են թրաֆիքինգի մեջ: Զևական տույժերը և անպատճելիության մթնոլորտը նպաստում է սեռական ստրկության ամոթալի «բիզնեսի» վերելքին Կոստվոյում, և չկան նախանշաններ, որ մոտ ապագայում իրավիճակը կփոխվի:

Այս նույն փաստերը հաստատվում են բազմաթիվ այլ կազմակերպությունների կողմից: Կանանց իրավապահատպան կազմակերպություններից մեկը [Women's International League for Peace and Freedom [6]] պատմել է բազմաթիվ աղջիկների կոտրված կյանքերի մասին: Բնաբարությունների, պարզապես փողոցից փախցնելու պատմություններ, որոնք ուղակիորեն կապված չեն խաղաղարների հետ, բայց կատարվել են նրանց պատասխանատվության գոտիներում և մնացել են անպատիժ:

4.2 Կոնգո (մայիս – սեպտեմբեր, 2004 թ.)

Կոստվոն այս առումով բացառություն չէ: ՄԱԿ-ի Ներքին Վերահսկողության գեկույցներից մեկը պատմում է Կոնգոյի Դեմոկրատական Հանրապետությունում տեղակայված խաղաղապահների խայտառակ պահվածքի մասին: Խաղաղարարները մտել են սեռական հարաբերությունների մեջ անչափահաս աղջիկների հետ, վճարելով նրանց 1-2 դոլլար կամ տալով սննդամթերք [7]: Այդ երեխաների մեջ նաև որբացել են Կոնգոյում նոլեզնաժ պատերազմի ընթացքում: Շատերը բռնաբարվել են պատերազմի ընթացքում և այսօր իրենց գոյատևման միակ ձևը դարձել է մարմնավաճառությունը: Բազմաթիվ երիտասարդ կոնգոնցի տղաներ մասնագիտացել են կավառության մեջ և զինվորների համար աղջիկներ են բերում:

ՄԱԿ-ի զորախմբի անձնակազմից 72-ը կասկածվում են տարբեր տիպի սեռական հանցանքների մեջ: Մի մասը խուսափել է պատասխանատվությունից՝ վերադառնալով իրենց հարազատ երկուներ, մյուսների գործերը կարծվել են: Այսօրվա դրությամբ ընդամենը մի հոգի է գտնվում դատական ատյանների ուշադրության տակ: Դա այն ֆրանսիացին է, որը պեղոֆիլիական բնույթի նկարներ է արտադրել ու տարածել Կոնգոյից:

4.3 Արևելյան Թիմոր (2001 թ.)

Մանկապղծության ավելի զարիւրելի դեպքեր են գրանցվել Արևելյան Թիմորում: 2001 թ. մայիսին ավստրալացի սպա Անդրյու Վաթբենը տեղեկություններ ստացավ, որ հորդանանցի խաղաղարարները մանկահասակ (մինչև 12 տարեկան) տղաների հետ մտել են սեռական հարաբերությունների մեջ, դրա դիմաց տալով սնունդ ու փող: Երբ ավստրալացի խաղաղարարների դեկավարը փորձել է այդ լուրերը դարձնել հետաքրքրության առարկա, կտրուկ սրվել են հորդանանցի ու ավստրալացի խաղաղարարների հարաբերություններ, ընդհույս մինչև զինված պասսիվ դիմակայություն [12]: Քաղաքական նկատառումներով (նկատի ունենալով Հորդանանի կարևոր դերը մերձավոր արևելյան բանակցային գործընթացքում) այդ հանցանքը չի ստացել լայն սփռում: ՄԱԿ-ի առաքելությունը, որը դեկավարում էր Սերջիո Վիերա ու Սելլոն (նա հետագայում սպանվեց ՄԱԿ-ի Բաղդադի գրասենյակի պայթյունից) ամեն ինչ արեց, որպեսզի այդ գործը տրվի լրության [12]: Հետագայում կատարվել են հետաքրքրություններ, որոնք հաստատել են այդ տեղեկությունները և ավելին բացահայտել են այլ հանցանքներ: Օրինակ՝ Արևելյան Թիմորից կանանց թրաֆիքին դեպի Արևելյան Թիմոր, նաև եղել են բռնաբարությունների դեպքեր, որի կազմակերպիչները եղել են հորդանանյան խաղաղարարները:

4.4 Ոուանդա, Քենիա, Կենտրոնական Աֆրիկա (2001 թ.)

Հանցագործությունների ամենատարածված մյուս տեսակը, որի մեջ մերգրավվում են այլազգ խաղաղարարները, անօրինական առևտուրն է: Ինչպես հաղորդում է 2001թ. փետրվարի «Օբսերվեր»-ը, [17] փողսկրի անօրինական տեղափոխման մեջ է մեղադրվել Ոուանդայում ՄԱԿ-ի առաքելության դեկավարը: Տրանսպորտային կամ առևտուրային կամ առաքելու միջազգային գործունեությունը կատարվել է անօրինական կերպով տեղափոխել փողսկր և այլ կենդանիների մորթիներ: Փողսկրի առևտուրը միջազգայնորեն արգելվել էր 1990-ին: Բայց վերջին շրջանում այն նորից ակտիվացել է ֆրանսիացի խաղաղարարների մերկայության պատճառով: Ըստ անգլիական «Փրկեք փողերին» կազմակերպության ներկայացուցիչ դոկտոր Էսմոնդ Մարտինի, փողսկրի պահանջարկը գալիս է հիմնականում ՄԱԿ-ի աշխատակիցներից և տեղում տեղակայված դիվանագիտական կորպուսի աշխատակիցներից: Եթե պահանջարկի աճն այսպես շարունակվի, ապա նորից կվերսկսվի փողերի զանգվածային ջարողը, ինչը դա կատարվում էր 1970-80 թվականներին, որի արդյունքում էլ դրվեց արգելքը:

5. ԽԱՂԱՂԱՊԱՐՆԵՐԻ ԿԱՐԳՎԻԲԱԿԻ ՀԵՏ ԿԱՊՎԱԾ ՀԱՐՑԵՐ

Խաղաղապահ առաքելությունների մի այլ կարևոր, բայց անտեսված կողմ է իրավականը: Վերոնշյալ բոլոր դեպքերում, հանցագործություն կատարած խաղաղապահները շնորհիվ իրավական անձեռնմխելիության հանցանքի վայրում պատիժ չեն կրում: Սա ստեղծում է անպատճելիության մբնոլորտ, որովհետև խաղաղապահին սպառնացող ամենամեծ պատիժը՝ հայրենի երկրում դատավարությունն է, որին ստվորաբար ներկա չեն լինում տուժածներն ու վկաները, ինչի հետևանքով դատական գործերը, մեծ մասամբ, կարճվում են:

Երկրորդ կետը, որը խաղաղապահությանն ապավիճելը դարձնում անհույս գործ, լիազորությունների մանդատն է: Չնայած պատասխանատվության լիակատար բացակայությանը, խաղաղապահներն իրավունք չունեն ինքնուրույն որոշումներ ընդունել: Երկու բախվող կողմերին բաժանելու համար, նրանք պետք է սպասեն իրանաների կենտրոնական շտաբներից, որոնք ել, իրենց հերթին, իրենց վերադաս քաղաքական մարմիններից: Իսկ քանի որ քաղաքական էլիտաները միշտ գրադարձ են աշխարհաքաղաքական գլոբալ հարցերով, ապա ստացվում է, որ տեղացիները, որոնց խաղաղեցնում են խաղաղապահները դառնում են պատանդ աշխարհաքաղաքական գործընթացների մեջ:

Մյուս կետն այն իրավիճակներն են, երբ պայմանավորվածությունները հաշվի չեն առնում դեպքերի բոլոր հնարավոր զարգացումները: Այդ իրավական անորոշություններից օգտվում է կողմերից մեկը և ձեռք բերում առավելություն, որն էլ առիթ է դառնում նոր բախումների: Օրինակ՝ Էրիբրեա-Եթովպական (2003 – 2004 թթ.) գժին տեղակայված խաղաղարարների դեպքը, երբ Էրիբրեան մեղադրում էր ՄԱԿ-ին պարտավորությունները չկատարելու մեջ, իսկ ՄԱԿ-ն իր հերթին մեղադրում էր Էրիբրեային՝ արհեստական խոշընդուներ ստեղծելու մեջ [15]:

Սակայն ամենացայտուն օրինակը, որտեղ երևում է, թե ինչքան անհուսալի գործոն են խաղաղապահները անվտանգություն ապահովելու համար, Դարֆուրն է՝ Սուդանի նահանգներից մեկը:

5.1 Սուդան, Դարֆուր (2005-2006 թ.)

Սուդանի հարավում և արևմուտքում միջերնիկական ու միջկրոնական բախումները տևում են արդեն տասնամյակներ: Առանց վարանելու այն կարելի է դասել ցեղասպանությունների շարքը, որ զոհ են գնացել երկու միլիոնից ավելի մարդ, իսկ չորս միլիոն մարդ էլ բռնի տեղահանվել են [18]: Սուդանի կենտրոնական հաւամական կառավարությունը օգտագործում է Զանջավիդ կոչվող զինված խմբավորումներն ընդդեմ հարավի ժողովրդական Ազատագրական Շարժման, որը պայքարում է տեղի քրիստոնեական բնակչության շահերի համար: Հակամարտությունն էլ ավելի մեծ բեժություն է ստանում նաֆրային գործոնի պատճառով: Հակամարտությունն էլ ավելի մեծ բեժություն է ստանում նաֆրային գործոնի պատճառով: Հակամարտությունն էլ ավելի մեծ բեժություն է ստանում նաֆրային գործոնի պատճառով: Այս այսպիսի պայմաններում 2005 թ.-ի հունվարին ՄԱԿ-ի հովանու ներքո կնքվեց «Համապարփակ խաղաղության Համաձայնագիր»-ը (ՀԽՀ), որն ուներ և՝ փուլային, և՝ փաթեթային լուծումներ: Համաձայնագրի մշակման գործում իր ներդրումն ուներ նաև մեզանում տիրահօչակ «Միջազգային ճգնաժամային խումբ» կազմակերպությունը: Համաձայնագրի հիմնական կետերից էին վեց տարի հետո Դարֆուրի հանրաքվեն, և 10.700 խաղաղապահների մուտքը տարածաշրջան: Որպես փոխվաստահության խորհրդանիշ, ստեղծվեց նաև Ազգային Համաձայնության Կառավարություն, որի մեջ մտնում էին նաև հարավի Ազատագրական շարժման ներկայացուցիչները:

Հենց սկզբից Խարտումի հսկամական ճակատ կուսակցությունը սկսեց կատարել այնպիսի քայլեր, որոնք փաստացի սկսեցին ձախողել այդ ՀԽՀ-ի կիրառումը: Առերևույթ ընդունելով այն և ցուցադրական նախարարական պորտֆելներ տալով Ազատագրական շարժման ներկայացուցիչներին, հսկամական ճակատը ստեղծեց ստվերային կառավարություն, որը սկսեց սարստածի ենթարկել խաղաղության գործընթացը:



ուրս բերեր իր 48000 հոգիանոց կայազորը հարավի Չուրա քաղաքի ջուրա քաղաքից: Մինչև այժմ այդ կետը չի կատարվել, որի վերաբերյալ գնահատականներ չեն տրվում: Արդեռական խմբություններ հրահրելով Վերին Նեղոսի շրջաններում, կենտրոնական իշխանությունն էլ ավելի է բարդացնում համաձայնագրի կատարումը, և այդ անկարգությունները օգտագործում է որպես պատճառաբանություն իր կողմից համաձայնագրի կետերը խախտելու համար:

Ավելին՝ Խաղաղական ճակատը չի խորշում օգտագործել հարևան Երկրներում գործող անկանոն զինված խմբավորումները, որպեսզի էլ ավելի ապակյունացնի վիճակը և կանգնեցնի Արևոտքի փաստի առաջ, ձախողելով Յիշ-ն: Ուգանդայում գործող պատճառը «Աստծո դիմադրության բանակը», որը հայտնի է իր աննարդկային դաժանություններով, ազատ ելումուտ ունի Սուդանի հարավային շրջաններ, որտեղ նա պատսպարվում է Ուգանդայի կանոնավոր զորքերի հարձակումներից: Այս իրավիճակում ՍԱԿ-ը և մնացյալ միջազգային հանրությունն այլևս անընդունակ են վերահսկել Յիշ-ի կատարումը, քանի որ իրենք չունեն իրական լծակներ դրա համար: Միջազգային հանրությունը այսօր գրավված է շատ ավելի հրատապ հարցերով, իսկ Յարավային Սուդանը շարունակում է խրվել քառսի մեջ:

Յարավի Ազատագրական Շարժման (որոնք, իհշեցնենք, պաշտպանում են սևամորթ քրիստոնեաների շահերը) ղեկավարներից ոնանք զգալով, որ համաձայնագիրն այլևս չի գործում, զուգահեռաբար սկսել են ինքնուրույն ռազմական գործողություններ: Նաև հայտնվել է մի նոր ուժ, որն ընդհանրապես չի ընդունում խաղաղության համաձայնագրի լեգիտիմությունը և տանում է ինքնուրույն քաղաքականություն:

Այսօր իրավիճակը Սուդանի հարավային շրջաններում շարունակում է վատթարանալ: Փախստականների վիճակը բարդացնում է, քանի որ միջազգային մարդասիրական կազմակերպությունների գործունեությունը սահմանափակվել է: Մարդասրիրական իհմնա-

օգտագործելով ջանջավիղյան անվերահսկելի զինված ուժերը, նրանք սկսեցին հարձակումներ միջազգային մարդասիրական կազմակերպությունների ներկայացուցիչների վրա: Ավելին՝ խստացվեց վիզային ռեժիմը, ինչը բարդացրեց միջազգային քաղաքացիական անձնակազմի մուտքը Սուդան: Արդյունքում շատ երկրներ, որոնք խստացել են զինված խաղաղապահներ ուղարկել տարածաշրջան, չկատարեցին իրենց խոստումը: Մինչ այժմ (արդեն անցել է մեկ տարուց ավելի) տեղակայված է ընդամենը 2.300 հոգիանոց զորամիավորում, որն ի վիճակի չէ հակամարտության գոտում խաղաղությունը ապահովել: Պատճառն այն է, որ խարտումը մինչև իհման չի տվել իր զորամիավորումների մասին հստակ տեղեկատվություն (ինչը պարտավոր էր անել ըստ Յիշ-ի), և բախումներից խուսափելու համար, ՍԱԿ-ի խաղաղապահները վերահսկում են խիստ սահմանափակ տարածքներ: Այս առնչությամբ ՍԱԿ-ի գլխավոր քարտուղարին մնում է միայն անզոր կերպով հայտարարել, որ Սուդանի զինված ուժերի տված տեղեկատվությունը անբավար է Յիշ-ի հետագա կատարման համար: Ըստ համաձայնագրի, Սուդանը պետք է

կան միջանցքների ապահովությունը երաշխավորված չէ: Աֆրիկյան միության խաղաղապահներն անընդունակ են կարգ ու կանոն պահպանելու: Քրիստոնեական ազատագրական շարժման գինված ուժերը պառակտվել են, իսկ արևմտյան հիմնական տերությունները արդեն զբաղված են այլ հարցերով ինչպիսին է, օրինակ, Իրաքը կամ Իրանը:

Ուուանդայում խաղաղապահների հրամանատար Դալլերը [20], որը համապարփակ ձևով ցույց է տվել Արևմուտքի մեղքի բաժինը Ուուանդայի ցեղասպանության մեջ, հայտարարել է. «Ուուանդայում ցեղասպանությունը հնարավոր եղավ, որովհետև կենտրոնացած էինք Հարավսլավիայի վրա: Այսօր Սուլդանը զոհաբերվում է իրաքի պատճառով: Մենք չենք սովորում դասերը, թե ինչպես պետք է կանգնեցվեն էրնիկական գտումները»:

Յարց տանք ինքներս մեզ, ու՞մ համար կզոհաբերվի Արցախը եթե այնտեղ էլ նման իրավիճակ ստեղծվի ապագայում:

5.1 Հաիթի (2006 թ.)

Եվ, վերջապես, խաղաղարարները կարող են ներքաշվել ներքաղաքական պայքարների մեջ: Այդպես տեղի ունեցավ 2006 թվականի փետրվարին Հաիթիում: Նախագահի ընտրությունների ընթացքում նախագահական թեկնածու Ռենե Պրեվալի կողմնակիցները բողոքի արշավ էին սկսել ԿԸՀ-ի դեմ, որին մեղադրում էին խախտումների մեջ ու պահանջում ճանաչել Ռ. Պրեվալին որպես նախագահ: Հաիթիի մայրաքաղաք Պորտ-օ-Պրենսում տեղակայված ՍԱԿ-ի խաղաղարարները կրակ են բացել ցուցարարների վրա: Մի հոգի սպանվել է, կան բազմաթիվ վիրավորներ [16]:

Այս հաղորդագրությունը ցույց է տալիս, որ «խաղաղարարները» Արցախի հակամարտության գոտում իրականում կարող են միտված լինել պաշտպանելու տեղական վերնախավերին ժողովուրդների արդարացի ցասումից, այլ ոչ թե հենց տեղի բնակչությանը:

Յարցի փաստական կողմը շարադրելուց ակնհայտ է դառնում, որ եթե նույնիսկ միջազգային հանրությունն ուղղորդվի ամենալավագույն ցանկություններով ու կամենա խսկապես խաղաղություն ու անվտանգություն ապահովել հայ ազգի համար, որա համար տա միջազգային նորմերին համապատասխանող երաշխիքներ, ապա, միևնույն է խաղաղություն չի հաստատվի որովհետև կա վերջին 50 տարվա «խաղաղարար» պատմության դառը փորձը:

ՀԱՅԱՍՏԱՆԻ ՈՉ ՀԱՏԱԿ ԴԻՐՔՈՐՈՇՈՒՄԸ

Միջազգային խաղաղարաների մասին խոսակցությունների [1] հիմքերից մեկը մեր պաշտոնական դիրքորոշման ընդհանուր և ոչ հստակ ձևակերպումների մեջ է: Հայաստանի իր նախապայմաններից մեկն է համարում ստանալ ԼՂՀ անվտանգության միջազգային երաշխիքներ: Այդ «Երաշխիքներ» ասվածը բավականին անորոշ հասկացություն է: Այն կարող է նշանակել, և՝ ԼՂՀ անկախության միջազգային ճանաչում, և՝ միջազգային խաղաղապահ ուժերի տեղակայում, որոնք միտված կլինեն ապահովելու այդ անվտանգությունը առանց ԼՂՀ կարգավիճակի հարցի հստակեցման:

Միջազգային խաղաղապահ ուժերը չեն կարող լինել անվտանգության երաշխիք. սա ակնհայտ է դառնում, եթե զննում ենք վերջին տարիներին աշխարհի տարբեր մասերում խաղաղապահ ուժերի գործունեությունը, որը և ներկայացված է տվյալ տեղեկատվական փաթեթում:

ԵԶՐԱԿԱՑՈՒԹՅՈՒՆՆԵՐ

Այսպիսով խաղաղապահ ուժերը չեն կարող լինել անվտանգության երաշխիք նույնիսկ այն դեպքում, եթե կա բարի կամքի դրսնորում խաղաղապահ ուժեր ուղարկած երկրների կողմից: Մեր դեպքում գումարվում են նաև աշխարհաքաղաքական այնպիսի ռիսկեր, որոնք վերահսկել ուղղակի հնարավոր չեն: Ո՞ր երկրներց պետք է լինեն խաղաղապահներ, ո՞ր երկրներից չեն: Ո՞վեր են երաշխավորները: Մտնում են արդյոք հզորացող մահմեդական ու արևելասիական տերություններն այդ երաշխավորների մեջ թե՞ ոչ: Եթե չեն մտնում, ապա ինչ կլինի ապագայում իրավիճակի փոփոխության դեպքում, կան և բազմաթիվ այլ հարցեր: Դրանց պետք է գումարել նաև հայ ժողովրդի պատմական դառը փորձը: Եվ որպեսզի չխորանանք մեծածավալ և շատ դեպքերում նույնիսկ անհնաստ աշխարհաքաղաքական գլորալ վերլուծությունների մեջ, պետք է առաջնորդվենք մի քանի հստակ մոտեցումներով: Դրանք պետք է ոչ միայն մտնեն ազգային անվտանգության ընդհանուր հայեցակարգի մեջ, որն այսօր գտնվում է ձևավորման փուլում, այլև դառնան Հայաստանի պետական դիրքորոշում:

Թվարկենք այդ մոտեցումները.

1. Հայ ազգի ֆիզիկական անվտանգության երաշխավոր կարող է հանդիսանալ միայն հայկական զինված ուժը:
2. Եթե մենք ընդունում ենք այս կետը, ուրեմն մեր պաշտոնական դիրքորոշումից պետք է հանենք այն կետը, որով պահանջում ենք «միջազգայնորեն երաշխավորված անվտանգության երաշխիքներ»: Դրա կարիքն այլև չկա:
3. Ընդունելով առաջին կետի անխախտելիությունը, մենք նաև փաստում ենք, որ ժամանակակից աշխարհում ընթանում են բազմաթիվ քաղաքական ու տնտեսական գործնքացներ, որոնց անդամակցումը ոչ թե լուծում է անվտանգության, այլ ընթացիկ աշխարհաքաղաքական-տնտեսական խնդիրներ: Այսինքն անդամակցումն այլ գործնքացներին միջոց է, այլ ոչ թե նպատակ կամ առավել և անվտանգության երաշխիք:
4. Այդպիսին է անդամակցումը ՀԱՊ-ին: Այդպիսին է նաև համագործակցությունը ՆԱՏՕ-ի և այլ միջազգային կառույցների հետ: Այս կառույցները չեն լուծում ու չեն կարող լուծել մեր ֆիզիկական անվտանգության խնդիրները: Նրանց հետ համագործակցությունը հանդիսանում է ժամանակավոր քաղաքական գործիք:
5. Քաղաքական գործիքները նույնպես տարբեր են լինում, և նրանց տարբերակումը նույնպես պետք է բխի առաջին կետից: Այսինքն՝

5.1 Բոլոր այն երկրներն ու կառույցները, որոնք չեն ընդունում Հայոց Ցեղասպանությունը, չեն կարող համարվել անկողմնակալ ու բարեկամական ուժեր Հայաստանի համար:

5.2 Բոլոր այն երկրները ու կառույցները, որոնք չեն ընդունում Արցախի ժողովրդի ազատ ապրելու իրավունքը, չեն կարող համարվել հուսալի գործընկերներ Հայաստանի համար:

6. Եվ, վերջապես, բոլոր այն երկրները, որոնք կարծում են, որ իրենց նկատմամբ կան սպառնալիքներ տարածաշրջանում ու ցանկանում են ապահովել իրենց անվտանգությունը՝ ունենալով ռազմական հենակետեր տվյալ տարածաշրջանում, պետք է դրա համար բանակցեն հայկական պետությունների հետ, որոնք վերահսկում են տվյալ տարածքները: Իհարկե, այն դեպքում, եթե նրանք ընդունում են այդ պետությունների անկախությունը ու ինքնիշխանությունը հենց այդ սահմաններում:

ՎԵՐՋԱԲԱՆ

Մենք հատուկ չնշեցինք հայկական պատմական փորձը՝ կապված «խաղաղարարների» հետ: Կարելի էր, օրինակ հիշել «Կոլցո» օպերացիան, որը հնարավոր դարձավ այն բանից հետո, երբ հայերը իրենք օգնություն խնդրեցին խորհրդային բանակից: Կարելի էր հիշել Սունգայիթը և խորհրդային բանակի հանցավոր անտարբերությունը: Իսկ եթե խորհրդային բանակը չի հանապատասխանում միջազգային խաղաղարարների չափանիշներին, ապա կարելի է հիշել ֆրանսիական բանակի պահվածքը Կիլիկիայում: Կարելի էր հիշել նաև անգլիական սպայակազմի պահվածքը Արցախում 1919 թ., որը չքողեց Անդրանիկին մտնել Արցախ՝ մեկնարանելով դա խաղաղարարական նպատակներով: Այն ժամանակվա խաղաղարարներն էլ անգլիացիներն էին Անդրկովկասում: Եվ, վերջապես, կարել էր հիշել Գուրգեն Մարգարյանի սպանությունը Եվլոռպայի սրտում, ՆԱՏՕ-ի հովանու տակ: Եվ ՆԱՏՕ-ի կրավորական պահվածքը, որը նույնիսկ չկամեցավ հստակ դատապարտել Ադրբեյջանի հակահայկական քարոզությունը, որի արդյունքում կատարվեց այդ սպանությունը:

Եթե այսօր ՆԱՏՕ-ն պատրաստ չէ ընդունել իր անընդունակությունը՝ Եվլոռպայի սրտում մի հայի պաշտպանելու գործում, ապա կարելի է չկասկածել, որ նոյն ծնով էլ վաղը «պաշտպանելու» է հայերին, եթե, իհարկե, հայերն իրենց համաձայնությունը տան խաղաղարարների մուտքին:

Միթե, վերջապես, գոնե մեկ անգամ մեր հազարամյա պատմության մեջ չենք ելնելու և ասելու նրանց ովքեր ուզում են մեզ «պաշտպանել», որ չենք հավատում ձեր երաշխիքներին: Չենք հավատում, որովհետև դուք չեք ընդունում մեր ապրելու տարրական իրավունքը այս հողի վրա:

ԱՂԲՅՈՒՐՆԵՐ

- [1] Վարդան Օսկանյանի արված հայտարարությունը 2006 թ. հունվարին, երբ նա չբացառեց խաղաղաբների մուտքը (ARMENIAN MINISTER CAUTIOUS ABOUT OSCE PEACEKEEPERS' VISIT TO KARABAKH, 10-Jan-06, Arminfo):
- [2] <http://genocide.ru/lib/genocides/rwanda.htm>
- [3] <http://www.whatreallyhappened.com/RANCHO/POLITICS/UN/peace.html>
- [4] <http://www.africacentre.org.uk/archiverwanda.htm>

Linda Melvern, author of "A People Betrayed: The Role of the West in Rwanda's Genocide"; Alexander Ramsbotham, UN and Conflict Unit, United Nations Association-UK
HE Mrs Rosemary Museminali, Rwandan Ambassador
- [5] <http://news.bbc.co.uk/1/hi/world/europe/3686173.stm>
- [6] <http://www.peacewomen.org/news/Kosovo/newsarchive02/kosovosex.html>
- [7] <http://www.cnn.com/2005/WORLD/africa/01/08/congo.peacekeepers.sex/>
- [8] Михаил Кожемякин, Сребреница. История и загадки трагедии. Эхо Планеты (Москва). 29.07.2005, стр .22-24.
- [9] Капитан Королевских вооруженных сил Нидерландов - "Газете", Хенрик ван дер Баах . «Газета» (Москва).23.12.2005,стр 15.
- [10] <http://www.spc.org.yu/Vesti-2004/pogrom.html>
http://religion.ng.ru/printed/facts/2004-04-07/1_albania.html
- [11] <http://hrw.org/russian/docs/2004/07/27/serbia9143.htm>
- [12] http://www.natashatynes.org/newswire/2005/03/jordanian_soldi.html
http://www.natashatynes.org/newswire/2005/03/hushed_rape_of_.html
- [13] Трибуна (Москва).- 25.08.2001.- 151.- С 3 Максим РЫБКИН . (Соб.корр . "Трибуны").
- [14] <http://abcnews.go.com/2020/UnitedNations/story?id=489306&page=1>
- [15] <http://www.afrol.com/articles/17157>
- [16] <http://www.euronews.net/>
- [17] <http://www.globalpolicy.org/security/peacekpg/reform/criticism/0211smg.htm>
- [18] <http://genocide.ru/lib/genocides/>
- [19] <http://www.sudanreeves.org/index.php?name=News&file=article&sid=70>
- [20] http://www.sudantribune.com/article.php3?id_article=8108